

徐泗谿醫案

慎疾畧言

泗谿醫案

洞溪醫案序

袁簡齋太史作靈胎先生傳云欲采其奇方異術以垂醫鑑而活蒼生因倉卒不可得僅載非石汪令聞數條而語焉未詳予甚惜之今夏呂君慎菴以洞溪醫案鈔本一卷寄贈云得之徐氏及門金君復村者予讀之如獲鴻寶雖秘本而方藥不甚詳然其穿穴膏肓神施鬼設之伎足以垂醫鑑而活蒼生爰爲編次竊附管窺用俟高明梓以傳世予殷望焉

咸豐五年歲次乙卯十月海昌後學王士維

序

嘗讀小倉山房文集有徐靈胎先生傳知先生名大椿字靈胎吳江人隱於洞溪晚號洞溪老人凡星經水利音律武藝靡不通貫尤精醫術及讀先生所註難經醫學源流論恨未能盡讀先生著作今夏五月福建學政彭詠荅母舅知_手習醫三載矣因由閩中寄慎疾芻言一券囑付重刊原本多魯魚之悞遂加校讐而梓之按是書係先生六十餘歲所作閱歷既深言皆老當觀引首數言更見先生之心有大不得已於言者故不自覺其言之太過而惟恐不痛切不暢恣不能令人惕目驚心以致民命不長異端不熄斯道不傳在先生不得不盡言以開其悟而凡病者醫者皆不可不慎也

道光戊申仲夏長洲謝嘉孚蓉初氏序

余弱冠時家多疾病先世所藏醫書頗多因隨時翻閱不過欲稍識方藥而已循習漸久乃上追靈素根源下沿漢唐支派如是者十餘年乃註難經又十餘年而註本草又十餘年而作醫學源流論又五年而著傷寒類方五十年中批閱之書約千餘卷泛覽之書約萬餘卷每過幾時必悔從前疎漏蓋學以年進也乃世之醫者全廢古書隨心自造以致人多枉死目擊心傷數年前曾作芻言一冊欲以醒世而鮮克聽從竊思生長

聖朝毫無益於此世而半生攻苦雖有著述幾種皆統談醫學無驚心動魄之語足令人豁然開悟因復振心挖骨即芻言原本更加痛快剖悉實因悲憫填胸不能自己願覽者諒其苦心虛懷體察以之治人則敬慎可以寡過以之治己則明哲可以保身冀過信從之有人庶綿斯道於一綫

乾隆丁亥秋七月巧日洞溪徐靈胎識

潤溪醫案目錄

中風

非

外感停食

失魂

暑

痢

畏風

痰喘亡陰

呃

消

亢陽

腸紅

瘀血衝厥

試胎

產後腸癰

腸癰

項疽

對心發

惡風

傷寒

時證

崇病

暑邪熱呃

癰痢

痰

飲癖

癰

蟲痛

吐血

血痢

胎中毒火

產後風熱

惡痘

腿癰

對口

肺癰

周痺

則足陽寒

遊魂

瘧疾

瘧

畏寒

痰喘

翻胃

水腫

怔忡

瘀留經絡

崩

子利

產後血虛

流注

臂疽

發背

乳癰

下疳

筋瘤

洞溪醫案

吳江徐大椿著

鴻昌後學王士雄編

中風

葑門金姓早立門首卒遇惡風口眼喎邪嘔不能言醫用人參桂附諸品此近日時醫治風證不秘之方也越余視之其形如尸面赤氣粗目腫脈大處以祛風消痰清火之劑其家許以重貲留數日余曰我非行道之人可貨取也固謂余曰與其誤藥以死莫若服此三劑醒而能食不服藥可也後月餘至余家拜謝問之果服三劑而起竟不敢服他藥惟腿膝未健手臂猶麻爲立膏方而全愈此正內經所謂虛邪賊風也以辛熱剛燥治之固非以補陰滋膩治之亦謬治以辛涼佐以甘溫內經有明訓也

運使王公紱揆自長蘆罷官歸里每向余言手足麻木而痿多余謂公體本豐腴又善飲啖痰流經脈宜導節爲妙一日忽昏厥遺尿口噤手拳痰聲如鋸皆屬危證醫者進參附熱地等藥煎成未服余診其脈洪大有力面赤氣粗此乃痰火充實諸竅皆閉服參附立斃矣以小續命湯去桂附加生軍一錢爲末假稱他藥納之恐旁人之疑駭也感驚莫不譁然太夫人素信余力主服余藥三劑而有聲五劑而能言然後以消痰養血之藥調之一月後步履如初

張由蒼劉松岑素好飲後結酒友數人終年聚飲余戒之不止時年纔四十除夕向店沽酒秤銀手振秤墜而身亦仆地口噤不知人急扶歸歲朝遣人邀余與以至寶丹數粒囑其勿服他藥恐醫者知其酒客又新納寵必用溫補也初五至其家竟未服藥診其脈弦滑洪大半身不遂口強流涎乃濕痰注經傳腑之證余用豁痰瀉濕之品調之月餘而起一手一足不能如舊言語始終艱澀初無子病愈後連舉子女皆成立至十三歲而卒誰謂中風之人不能永年耶凡病在經絡筋骨此爲形體之病能延歲月不能除根若求全愈過用重劑必至傷生富貴之人聞此等說不但不信且觸其怒是詔詠之人羣進溫補無不死者終無一人悔悟也

西門外汪姓新正出門遇友於途一揖而仆口噤目閉四肢癱瘓鼻鼾不省人事醫亦用人參熟地等藥其母前年曾抱危疾余爲之治愈故信余求救余曰此所謂虛邪賊風也以小續命湯加減醫者駭謂壯年得此必大虛之證豈可用猛劑其母擺氣議而服隔日再往手攬余衣兩足踏地欲作叩頭勢余曰欲謝余乎亟歸首余止之復作垂涕感恩狀余慰之且謂其母曰風毒深入舌本堅硬病雖愈言語不能驟出母驚恐而誤投溫補也果月餘而後能言百日乃痊

東山席以萬年六十餘患風痺時醫總投溫補幸不至如近日之重用參附病尙未劇余診之脈洪而氣旺此元氣強實之體而瘧火充盛耳清火消痰以治標養血順氣以治本然經絡之痰無全愈之理於壽命無傷十年可延也以平淡之方隨時增損調養數載年七十餘始卒此所謂人實證實養正驅邪以調和之自可永年重藥傷正速之死耳

叔子靜素無疾一日余集親友小酌叔亦在座吃飯至第二碗僅半頭忽垂箸亦落同坐問曰醉耶不應又問骨腰耶亦不應細視之目閉而口流涎羣起扶之別座則頸已歪脈已絕痰聲起不知人矣極取至寶丹灌之始不受再灌而嚥下少頃開目問扶者曰此何地也因告之故曰我欲歸扶之坐輿內以歸處以驅風消痰安神之品明日已能起惟軟弱無力耳以後亦不復發此總名卒中亦有食厥亦有痰厥亦有氣厥病因不同如藥不預備則一時氣不能納經絡閉塞周時而死如更以參附等藥助火助痰則無一生者及其死也則以爲病本不治非溫補之誤舉世皆然也 雄按資生經云有人忽覺心腹中熱甚或曰此中風之候與治風藥而風不作夷陵某太守夏間忽患熱甚乃以水灑地設簟臥其上令人扇之次日忽患中風而卒人但咎其臥水簟而用扇也暨見一澧陽老婦見證與太守同因服小續命湯而愈合而觀之乃知中風由心腹中多大熱而作也徐氏之論正與此合易曰風自火出諺云熱極生風何世人之不悟耶若可用參附等藥者乃脫證治法不可誤施於閉證也

惡風

潮州副總戎穆公廷菊氣體極壯忽患牙緊不開不能飲食絕粒者五日矣延余治之晉接如常惟呼嚕耳余啓視其齒上下止開一細縫撫其兩頰皮堅如革細審病情莫解其故因問曰此爲惡風所吹公會受惡風否曰無之既而恍然曰誠哉二十年前曾隨團口外臥帳房中夜半怪風大作帳房拔去卒死者三人我其一也繼以熱水二人生而一人死我初醒口不能言者二日豈至今復發乎余曰然乃戲曰凡治皮之工皮堅則消之我今欲用藥消公之頰皮也乃以蜈蚣頭蝎子尾及朴硝硼砂冰蠟等藥探其內又以大黃牙皂川烏桂心等藥塗其外如有痰涎則吐出明晨余臥未起公啓戶曰眞神仙也早已食粥矣遂進以驅風養血膏而愈蓋邪之中人深則伏於臟腑骨髓之中精氣旺則不發至血氣既衰或有所感觸雖數十年之久有復發者不論內外之證盡然亦所當知也雄按皮膚頑痺非外治不爲功此因其堅如革故多用毒烈之品也

周痺

烏程王姓患周痺證偏身疼痛四肢癱瘓日夕叫號飲食大減自問必死欲就余一決家人垂淚送至舟中余視之曰此歷節也病在筋節非煎丸所能愈須用外治乃遵古法敷之榻之薰之薰之旬日而疼痛稍減手足可動乃還歸月餘而病愈大凡榮衛臟腑之病服藥可至病所經絡筋節俱屬有形煎丸之力如太輕則不能攻邪太重則恐傷其正必用氣厚力重之藥敷熅薰蒸之法深入病所提邪外出古人所以獨重針灸之法醫者不知先服風藥不驗即用溫藥使邪氣久留即不死亦爲廢人在在皆然豈不冤哉雄按風藥耗榮液溫補實陰絡皆能助邪益痛若輕淡清通之劑正宜顯服不可徒恃外治也

痺

新郭沈又高續娶少艾未免不節忽患氣喘脈逆語澹神昏手足不舉醫者以中風法治之病益甚余診之曰此內經所謂痺證也少陰虛而精氣不續與大概偏中風中風厥厥風脈等病絕不相類劉河間所立地黃飲

子正爲此而設何醫者反忌之耶一劑而喘逆定神氣清聲音出四肢展動三劑而病除八九謂以發精益氣之品而愈余所見類中而宜溫補者止此一人識之以見余並非禁用補藥但必對證乃可施治耳 雄按古云真中屬實類中多虛其實不然若其人素稟陽盛過啖肥甘積熱壅滯痰涎塞隘絡多患類中治宜化痰清熱流利機關自始至終忌投補滯徐氏謂宜於溫補者不多見洵閱歷之言也

傷寒

蘇州柴行倪姓傷寒失下昏不知人氣喘舌焦已辦後事矣余時欲往揚州泊舟桐涇橋河內適當其門晚欲登舟其子哀泣求治余曰此乃大承氣湯證也不必加減書方與之戒之曰一劑不下則更服下即止遂至揭月餘而返其人已強健如故矣古方之神效如此凡古方與病及證俱對者不必加減若病同而證稍有異則隨證加減其理甚明而人不能用若不當下者反下之遂成結胸以致聞者遂以下爲戒顧倒若此總由不肯以冲景傷寒論潛心體閱耳

別足傷寒

嘉善黃姓外感而兼鬱熱亂投藥石繼用補劑邪留經絡無從而出下注於足兩脛紅腫大痛氣逆衝心呼號不寐余曰此所謂別足傷寒也足將落矣急用外治之法薰之蒸之以提毒散瘀又用丸散內消其痰火并化其毒涎從大便出而以辛涼之煎劑託其未透之邪三日而安大凡風寒留於經絡無從發洩往往變爲癰腫上爲發背中爲肺癰肝癰痞積下爲腸癰便毒外則散爲斑疹瘡瘍留於關節則爲痿痺拘攣注於足脛則爲別足矣此等證俱載於內經諸書自內外科各分一門此等證遂無人知之矣

外感停食

淮安大商楊秀倫年七十四外感停食醫者以年高素封非補不納遂致聞飯氣則嘔見人飲食輒叱曰此等臭物虧汝等如何吃下不食不寢者匝月惟以參湯續命而已暮名來聘余診之曰此病可治但我所立方必

不服不服則必死若徇君等意以立方亦死不如竟不立也羣問當用何藥余曰非生大黃不可衆果大駭有一人曰姑俟先生定方再商其意蓋謂千里而至不可不周全情面俟藥成而私棄之可也余覺其意煎成親至病人所強服旁人皆惶恐無措止服其半是夜即氣平得寢並不瀉明日全服一劑下宿垢少許身益和第三日侵晨余臥書室中未起聞外婢傳曰老太爺在堂中掃地余披衣起詢告者曰老太爺久臥思起欲親來謝先生出堂中因果穀盈積乃自用帚掠開以便步履旋入余臥所久談早膳至病者觀食自向碗內撮數粒嚼之且曰何以不臭從此飲食漸進精神加舊羣以爲奇余曰傷食惡食人所共知去宿食則食自進老少同法今之醫者以老人停食不可消止宜補中氣以待其自消此等亂道世反奉爲金鑑誤人不知其幾也余之得有豎淮揚者以此

時證

四塘倪福徵患時證神昏脈數不食不寢醫者謂其虛投以六味等藥此方乃浙中醫家不論何病必用之方也遂紅米不得下咽而煩熱益甚諸人束手余診之曰熱邪留於胃也凡外感之邪久必歸陽明邪重而有食則結成燥矢三承氣主之邪輕而無食則凝爲熱痰三瀉心湯主之乃以瀉心湯加減及消痰開胃之藥兩劑而安諸人以爲神奇不知此乃淺近之理傷寒論具在細讀自明也若更誤治則無生理矣 雄按韓堯年甫踰冠體素豐而善飲春間偶患血溫廣服六味等藥初夏患身熱痞脹醫投瀉心陷胸等藥遂脹及少腹且鉅按大便旁流小溲不行煩熱益甚湯飲不能下臨證語層層改用承氣紫雪亦如水投石延余視之黃苔滿厚而不甚燥脈滑數而按之虛軟不過濕熱阻氣升降不調耳以枳桔湯加白前紫苑射干馬兜鈴杏仁厚朴黃芩用蘆根湯煎一劑證語止小溲行二劑旁流止胸漸舒三劑可進稀糜六劑胸腹皆舒粥食漸加改投清聲法又旬日得解燥矢而愈諸人亦以爲神奇其實不過按證設法耳 又按今夏衣賈戴七患暑濕余以清聲法治之熱退知饑家人謂其積勞多虛遺以補食啖之三日後二便皆閉四肢腫痛氣逆衝心呼號不寐又

乞余往視乃餘邪得食而熾惡寒胃府氣實則經氣亦不通而機關不利也以葦莖湯去葶以加薤仁枳實
梔子蘆子黃芩桔梗煎調元明粉外用葱白杵爛和蜜塗之小洩先通大便隨行三日而愈

游魂

郡中蔣氏子患時體身熱不涼神昏譫語脈無倫次余診之曰此游魂證也雖服藥必招其魂因訪招魂之法
有鄰翁謂曰我聞虔禱竈神則能自言父如其言病者果言曰我因看戲小臺倒幾被壓受驚復往城隍廟中
散步魂落廟中當以肩輿擡我歸如言往招明日延余再診病者又言我魂方至房門爲父親衝散今早魂臥
被上又爲母親疊被掉落今不知所向矣咆哮不已余慰之曰無憂也我今還汝因用安神鎮魄之藥加猜心
尖辰砂絳帛包裹懸藥爐中煎服戒曰服藥得腹勿驚離之熱寐卽神合果一劑而安調理而愈問之俱不知
也

失魂

平湖張振西壁鄰失火受驚越數日而病發無大寒熱煩悶不食昏倦不寐余視之頗作寒暄證而神不接余
曰此失魂之證不但風寒深入而神志亦傷不能速愈亦不可用重劑以煎方祛邪以丸散安神乃可漸復時
正歲除酌與半月之藥而歸至新正元宵始知身在臥室間問前所爲俱不知也至二月身已健同其弟元若
來謝候余山中且曰我昨晚腦後起一粟微痛余視之驚曰此玉枕疽也大險之證此地乏藥急同之隣外提
內託諸法並用其弟不能久留先歸明晨我子大驚呼余曰張君危矣余起視之頭大如斗脣厚寸餘目止細
縫自頂及肩膿泡數千惟神不昏憤毒未攻心尚可施救急遣舟招其弟余先以護心藥灌之母令毒氣攻內
乃用煎劑從內託出外用軟堅消腫解毒提膿之藥敷之一日而出毒水斗餘至晚腫漸消虎癰明日口舌轉
動能食竟不成疽瘡口僅如錢大數日結痂其弟聞信而至已愈八九矣凡病有留邪而無出路必發腫毒患
者甚多而醫者則鮮能治之也

揚州吳運臺夫人患消腫晝夜食粥數十碗氣逆火炎通夕不寐余診之六脈細數不倫神不清爽余曰此似祟脈必有他故其家未信忽一日僕婦晨起入候見牀上一女盛妝危坐以爲夫人也諦視則無有因以告夫人曰此女常臥牀內以此不能成寐而煩渴欲飲耳服余藥未甚效一夕夜將半病者大呼曰速請三舅爺來切不可啓門啓門則我魂必走出三舅爺者卽其弟唐君悔生也臥室遠隔呼之不能聞女僕私啓門邀之魂卽隨出徧歷廳堂廊廡及平昔足未經行者過唐君趨至魂堅執其辮仍返房見已身臥牀上唐君撫之魂遂歸附於身問所寓目皆不爽細致所見之女乃運臺聘室也未成婚而卒卒之時囑其父母謂吳郎必顯貴我死須懸其血食我而葬我於祖墓運臺服官後未暇辦故爲祟運臺謂余曰君言有爲祟者致果驗眞神也將何以慰之余曰鬼有所歸乃不爲厲公當迎柩厝墓立位而祀之可也運臺依余言以行然後服藥有功而病根永除矣

祟病

同里朱翁元亮僑居郡城歲初其媳往郡拜賀其舅舟過某門見城上蛇王廟俗云燒香能免生瘡腫因往謁焉歸卽狂言昏冒舌動如蛇稱蛇王使二女僕一男僕來迎延余診視以至寶丹一丸遣老嫗灌之病者言此係毒藥必不可服含藥噴嫗嫗亦仆不省人事舌伸頸轉亦作蛇形另易一人灌藥訖病者言一女使被燒死矣凡鬼皆以硃砂爲火也次日煎藥內用鬼箭羽病者又言一男使又被射死矣鬼以鬼箭爲矢也從此漸安

麗以消痰安神之品月餘而愈此亦客忤之類也非金石及通靈之藥不能奏效
林家巷周宅看門人之妻縊死遇救得甦余適寓周氏隨衆往看急以紫金錠搗爛水灌之而醒明日又縊亦遇救余仍以前藥灌之因詢其求死之故則曰我患心疼甚有老嫗勸我將繩繫頸則痛除矣故從之非求死也余曰此嫗今安在則曰在床裏視之無有則曰相公來已去矣余曰此縊死鬼汝痛亦由彼作祟今後若來汝卽嚼余藥噴之婦依余言縊至曰嚙口中何物欲害我耶罵罵而去其自述如此蓋紫金錠之辟邪神效若

此

同學李鳴古性誠篤而能文八中書爲一時冠家貧不得志遂得奇疾曰夜有人罵之聞聲而不見其形其罵語惡毒不堪遂惱恨終日不寢不食多方曉之不喻也其世叔何小山先生甚憐之同余往診李曰我無病惟有人罵我耳余曰此卽病也不信小山喻之曰子之學問人品人人欽服豈有詈汝之人耶李變色泣下曰他人勸我猶可世叔亦來勸我則不情甚矣昨日在問壁罵我一曰卽世叔也何今日反來面談耶小山云我昨在某處竟日安得來此且汝問壁是誰家我何從入愈辨愈疑惟垂首沿歎而已卒以憂死

瘟疫

雍正十年崑山瘟疫大行因上年海嘯近海流民數萬皆死於崑埋之城下至夏暑蒸尸氣觸之成病死者數千人汪翁天成亦染此證身熱神昏悶亂煩躁脈數無定余以清涼芳烈如鮮薑薄荷蘭葉薄荷青蒿蘆根茅根等藥兼用辟邪解毒丸散進之漸知人事因自述其昏暈時所歷之境雖言之鑿鑿終虛妄不足載也余始至崑時懼應酬不令人知會翁已愈余將歸矣不妨施濟語出而求治者二十七家檢其所服皆香燥升提之藥輿證相反余仍用前法療之歸後有葉生爲記姓氏愈者二十四死者止三人又皆爲他醫所誤者因知死者皆枉凡治病不可不知運氣之轉移去歲因水濕得病濕甚之極必兼燥化內經言之甚明况因證用藥變化隨機豈可執定往年所治秋風逐濕之方面以治瘟疫燥火之證耶

雄按風濕之邪一經化熱卽宜清解溫升之藥咸在禁例喻氏論疫主以解毒驅寒矣而獨表彰敗毒散一方不知此方雖名敗毒而羣升散之品凡溫邪燥火之證犯之卽死用者審之

暑

同學趙子雲居太湖之濱患暑病甚危留治三日而愈時值亢旱人忙而舟亦絕少余欲歸不能惟鄰家有一舟適有病人氣方絕欲往震澤買棺乞借一日不許有一老嫗指余曰此卽治趙某病愈之人也今此婦少年

繼生故氣不即盡求一診余許之脈絕而心的溫皮也未變此暑邪閉諸竅未即死也爲厚清暑通氣力病家以情不能却信舟以歸越數日子雲之子來詢之一劑而自覺二劑能轉則三劑起矣

余寓郡中林家巷時值盛暑僱人某之母忽嘔吐厥僵其形如尸而齒噤不開已辦後事矣居停之僕從僱求以於余余因近鄰往診以箸啓其齒咬箸不能出余曰此暑邪閉諸竅耳以紫金錠二粒水磨灌之得下再服清暑通氣之方明日余泛舟游虎阜其室臨河一老嫗坐窗口榻上彷彿病者歸訪之是夜黃昏即能言更服煎劑而全愈此等治法極淺極易而知者絕少蓋邪逆上諸竅皆閉非芳香通靈之藥不能即令通達徒以煎劑逆之即使中病亦不能入於經發況又誤用相反之藥豈能起死回生乎

蘆塘耕耕石暑熱壞證脈微欲絕遺尿證語尋衣摸牀此陽越之證將大汗出而脫急以參附加重更飲之少甦而未識人也余以事往郡戒其家曰如醒而能言則來載我越三日來請亟往果生矣醫者謂前藥已效仍用前方煎成未飲余至曰陽已回火復熾陰欲竭者附子入咽即危命以西瓜啖之病者大喜連日啖數枚更飲以清暑養胃而愈後來謝述昏迷所見有一黑人立其前欲啖之即塞冷入骨一小兒以扇扇之曰汝不怕霹靂耶黑人曰熬爾三霹靂奈我何小兒曰再加十個西瓜何經黑人惶恐而退余曰附子古名霹靂散果服三劑非西瓜則伏暑何由退其言皆有證據亦奇事也 雖據袁闥齋太史作靈胎先生傳載此案云先投一劑須臾目瞑能言再飲以湯竟躍然起故張柳吟先生以爲再飲之湯當是白虎湯今原案以西瓜啖之因西瓜有天生白虎湯之名而袁氏遂下一湯子致啓後人之疑序事不可不慎此類是矣

毛履和之子介堂暑病熱極大汗不止脈微肢冷面赤氣短醫者仍作熱證治余曰此即刻亡陽矣急進參附以回其陽其祖有難色余曰辱在相好故不忍坐視亦豈有不自信而嘗試之理死則願甘償命乃勉飲之一劑而汗止身溫得寐更易以方不十日而起同時東山許心一之孫倫五病形無異余亦以參附進舉室皆疑駭其外舅席際飛篤信余力主用之亦一劑而復但此證乃熱病所變因熱甚汗出而陽亡苟非脈微足冷汗

出舌渴則仍是熱證誤用卽死死其甚多傷心慘目此等方非有實見不可試也

雄按舌潤二字最宜切記

閩門內香店某姓患暑熱之證服藥既誤而機小向西樓下又香燥之氣煎煉津液厥不知人舌焦目裂其家去店三里欲從烈日中擡歸以待斃余曰此證固危然服藥得法或尚有生機若更暴於烈日之中必死於道六先進以至寶丹隨以黃連香薷飲兼竹葉石膏湯加蘆根諸清涼滋潤之品徐徐溫之一夕而目赤退有聲神氣復而能轉側二日而身和能食稀粥乃歸家調養而痊 雄按此證已津液受燥舌焦目裂矣則用至寶丹不如用紫雪而香薷亦可議也

常熟席關北患暑熱證已十餘日身如熾炭手不可近煩躁昏沉聚諸汗藥終無點汗余曰熱極津枯汗何從生處以滋潤清芳之品三劑頭先有汗漸及手臂繼及遍身而熱解蓋發汗有二法濕邪則用香燥之藥發汗卽以去濕燥病則用滋潤之藥滋水卽以作汗其理易知而醫者茫然可慨也

洞庭後山席姓者暑邪內結厥逆如尸惟身未冷脈尚微存所謂尸厥也余謂其父曰邪氣充塞逼魂於外通其諸竅魂自返耳先以紫金錠磨服後用西瓜蘆根蘇蘭甘蔗打汁時時溫之一日兩夜納二大碗而漸甦問之則曰我坐新廟前大石上三日見某家老嫗某家童子忽聞香氣撲鼻漸知身在室中有一人臥床上我與之相并乃能開目視物矣新廟者前山往後山必由之路果有大石龕兩家老嫗童子俱實有其事此類甚多不能盡述其理固然非好言怪也

閩門郭孝維患熱病忽手足拘攣呻吟不絕醫亂昏迷延余診視脈微而燥膚冷汗出陽將脫矣急處以參附方親感滿座謂大暑之時熱病方劇力屏不用其兄素信余違衆服之身稍安明日更進一劑漸甦能言余乃因以消暑養陰之方而愈

郡中友人蔣奕同氣體壯健暑月於親戚家祝壽吃湯餅過多回至閩門又觸暑熱發身熱悶亂延醫

治之告以故勉用輕藥一劑亦未能中病也况食未消而暑未退豈能一劑而愈明日復診曰腫清理而不愈則必虛矣即用參附是夕煩躁發昏四肢厥冷復延名醫治之曰此虛極矣更重用參附明日熱冒昏厥而斃余往唁之傷心慘目因念如此死者遍地皆然此風何時得息又傷親故多遭此禍歸而作慎疾芻言刻印萬冊廣送諸人冀世人之或悟也雄按慎疾芻言今罕流傳海豐張柳吟先生加以按語改題曰醫芻欲以貳庸流之陋習也余已刊入叢書

暑邪熱呢

東山席士俊者暑月感冒邪留下焦神昏呃逆醫者以爲壞證不治進以參附等藥呃益甚余曰此熱呢也呃在上焦令食西瓜蠶醫大譁病者聞余言即欲食食之呃漸止進以清降之藥二劑而諸病漸愈又有咸沈君倫者年七十時邪內陷而呃逆是時余有揚州之行乃囑相好尤君在涇曰此熱呢也君以枇杷葉鮮蘆根等清降之品飲之必愈尤君依余治之亦痊蓋呃逆本有二因由於虛寒逆從臍下而起其根在腎爲難治由於熱者逆止在胸臆間其根在胃爲易治極重懸絕世人謂之冷呃而概從寒治無不死者死之後則云凡呃逆者俱爲絕證不知無病之人先冷物後熱物冷熱相爭亦可呃逆不治自愈人所共見何不思也

瘧

洞庭姜錫常長郎佩芳體素弱而患久瘧時余應山前葉氏之招便道往晤佩芳出診色天脈微而動易出汗余駭曰汝今夕當大汗出而亡陽矣急進參附或可挽回其父子猶未全信姑以西洋參三錢偕附子飲之仍回藥宅夜二鼓叩門聲甚急啓門而錫常以肩輿來迎至則汗出如膏兩目直視氣有出無入猶賴服過參附湯未盡脫適余偶帶人參錢許同附子童便灌入天明而汗止陽回始知人事然猶聞聲即覺倦臥不能起者兩月而後起坐上工治未病此之謂也如此危急之證不但誤治必死即治之稍遲亦不及挽回養生者醫理不可不知也

痢

崇明施姓遷居郡之盤門其子患暑毒血痢晝夜百餘行痛苦欲絕嘉定張雨亭其姻戚也力懇余醫之余曰此熱毒蘊結治之以黃連附膠等藥一服而去十之七八矣明日再往神清氣爽面有喜色余有事歸家約隔日重來歸後遇風潮連日行舟斷絕三日後乃得往診病者怒目視余問以安否厲聲而對曰用得好藥病益重矣余心疑之問其父曾服他人藥否隱而不言余甚疑之辭出有二醫者入門因託雨亭訪其故其父因余不至延郡中名醫仍進以人參乾薑等藥給病者曰視汝脈者此地名醫而藥則用徐先生方也及服而痛愈劇痢益增故恨予骨耳豈不冤哉又聞服藥之後口乾如出火欲啖西瓜醫者云痢疾吃西瓜必死欲求涼水尤禁不與因給其童取井水嗽口奪盆中水飲其半號呼兩日而死近日治暑痢者皆用傷寒論中治陰寒入臟之寒痢法以理中湯加減無不腐爛慘死甚至有七發流血者而醫家病家視爲一定治法死者接踵全不知悔最可哀也

東山葉寶倫患五色痢每日百餘次予悉治痢之法治之五六日疾如故私竊怪之爲撫其腹腹內有塊大小各一儼若葫蘆形余重揉之大者裂破有聲暴下五色濃垢斗許置烈日中光彩眩目以後痢頓減飲食漸進再揉其小者不可執持亦不能消痢亦不全止令其不必專力治之惟以開胃消積之品稍稍調之三四月而後塊消痢止大抵積滯之物久則成癥成癖凡病皆然古人原有此說但元氣已虛不可驟消惟養其胃氣使正足自能驅邪但各有法度不可并邪亦補之耳

瘡痢

東山姜錫常氣體素弱又患瘡痢每日一發寒如冰而熱如炭隨下血痢百餘次委頓無生理因平日相契不忍委之朝夕診視爲分途而治之寒禦其寒熱清其熱痢止其痢俱用清和切病之品以時消息而最重者在保其胃氣無使生機又絕經云食養盡之無使過之傷其正也諸證以次漸減而愈或謂如此大虛何以不用